

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

11. Cur minima animalia potiùs hominibus sinat esse molesta Deus?

urn:nbn:de:hbz:466:1-45686

subtiliora; licet multi ijs venatidis multas horas impendant, haud tamen hanc celerem pestem à se possunt amoliri. Bestiæ sunt exiguæ, sed in pungendo acres, in fugiendo veloces; in sanguine fugiendo insatiabiles. Coguntur etiam eas tolerare delectissimæ cutis Poppææ & Cleopatré, quæ quò gracilius fere strigunt vestiendo, eò permittunt illis licentiùs grassari, cùm manus non possit accedere ad pabulantes. Atque, vt humani dominij intelligentiùs consideremus diminutionem: Ponamus ante oculo militiæ ducem, eumque non è communibus & obuijs vnum, si Hectori, aut Achilli parem; aut, qualem diuinæ litteræ defebunt, Goliath de Geth; qui erat altitudinis sex cubitorum & plus: & cassis ærea super caput eius, & lorica squamata induebatur, porrò pondus lorica eius, quing, millia siclorum erat: & ocreæ & reas habebat in cruribus: & clypeus ereus tegebat humeros eius, hastam autem hastæ eius, erat quasi liciatorium texentium, ipsum autem armum hastæ eius sexcentos siclos habebat ferri. Hunc talenm Poliphemum, quo incidente, terra, sub pedibus eius, tremebat; quod vociferante, concutiebatur aër, resonabant montes, silvae trepidabant; pulex audet aggredi, morsu lacestere, & usque ad impatientiam exagitare. Non illum cassis ærea, non lorica squamata, non ocreæ & clypeus solidissimo metallo graues, non hastæ validissima, contra animal, quod visum fugiebat, defendere posse runt. Vincitur à pulice, qui totos exercitus solus prouocauit.

XL.

Gen. 1. 26.

Gen. 9. 2.

Si ergo Deus hominem constituit præfectum omnium animalium, quando dixit: *Faciam ut hominem ad imaginem, & similitudinem nostram: & præsit piscibus maris, & volatilibus celi, & bestijs, uniuersaq; terra, omniq; reptili; quod mouetur in terra;* Si, etiam post originale delictum uniuersorum, Dominus pronunciauit: *terror vester ac tremor, sit super euncta animalia terræ, & super omnes volucres celi, cum uniuersis, que mouentur super terram:* quae de causa minutissima illi animalia non obediunt, sed ad impatientiæ verba usque infestant? Nimirum etiamnum homo harum est Dominus terrorque bestiarum, quas capere callide, & occidere licet potest. Verum etiam ab illis cruciari potest, vt habeat, unde se agnoscat mortalem, & supercilium ponat, quando videt vel muscam regi in oculos inuolare, & in ipsa Cæsaris fronte sedere,

Sedere, sine villa reuerentia maiestatis. Hac ipsa de caussa sapientissimus mundi gubernator in tumidum illum Pharaonem, qui supra nubes sibi gradi videbatur, non leopardos, aut balænas, aut elephantos, sed ranas & muscas emisit. Quia excellentior est gloria victoris, & ignominiosior dejectio victi, si rebus minimis superbia maxima cedere cogatur. *Queret fortasse aliquis, ait Philo,* cur Deus tam minutis & vilibus animalibus ad vindictam uti maluerit, quām vīsi pardis, & leonibus, ceterisq; feris carnivoris: aut, si ha-
no placebant, saltē familiaribus Ēgypto aspidibus, quarum morsus & subitam, & inenitabilem affert mortem? Is, si nesciat, discat, Deum voluisse Ēgyptios castigare, non ē medio tollere. Nam si eos omnino delere voluisset, non opus erat animalibus, sed diuinitus immissa fame, aut pestilentia. Homines quidem, cūm bella gerere volunt, auxilia sibi consilicunt potentissima, quibus suam infirmitatem suppleant. Deus verò omnipotens, & nullius egens, si quando vult, tanquam instrumentis quibusdam uti ad exigenda supplicia, non valida eligit, sed vilia, parvāq; s; atq; ita noxios plectit. *Quod tunc etiam Ēgyptijs accidit. Quid enim scimiphe vilius?* Tamen tantum efficit, ut tota Ēgyptus deficiens, exclamare cogeretur: *Hanc esse Dei digitum: manus enim eius, ne à tota quidem terra, quanta, quanta est, immo nec à mundo uniuerso sustineri posset.* Hæc Philo.

Philo lib. 1.
de vit. Moy 3

Qui etiam, ne quis à paruis, paruam molestiam oriri duntaxat, existimet, secundam Ēgypti plagam ita describit. *Vix Aa.* Phil. loc. cit.
ron manum extenderat, cūm ranarum tanta vis prorepfit, ut non solūa forā compleret, ac loca subdinalia; verū & domos, & villas. & cuncta edificia tam sacra, quām profana; tam priuata, quām publica; hanc secus ac si genus hoc aquatilium missum esset in diuersi elementi coloniam; natura mutante rerum vicissitudines. Terra quippe contraria est aqua. Itaque cūm nec foras progredi possent homines, vijs oppletis, nec intus manere, refertis etiam intimis penetralibus, & ad summas quoque contignationes ranis obrepentibus, ad extremam desperationem rediſti sunt. Nullus igitur fuit sensus, qui à vilissima hac bestia non miserè infestaretur. In oculis aspicientium spina erat tam immensa vis, multitudo, & deformis figura, ora usque ad aures diducentium, ventrēsq; trahentium ranarum. Auribus Ēgyptiorum nulla quies erat, à continuis earum clamoribus,

Cc 2

cūm

XII.